



INFORMACION RIBA MUSEO DI CARNAVAL DI ARUBA "MUSEO REY MOMO"



ORANJESTAD(AAN):

Den edicion di ayera, pa un equivocacion, computer di DIARIO a programa riba plaatchinan, portretnan di Museo Historico di Aruba, bao di e codigo museo, na lugar di portretnan di Museo Rey Momo, pa e equivocacion aki nos disculpa. Aki ta sigui e mes relato pero cu portretnan relaciona cu Museo Rey Momo, e museo



di carnaval di Aruba. Operadornan di Museo di Carnaval Rey Momo, Stichting Aruba Museum Experience, ta felicita pueblo, en especial carnavalistanan di curazon pa apertura di e temporada di carnaval 40. Tambe ta gradici tur esnan cu a contribui na e proyecto Museo di carnaval Rey Momo, a bira un realidad. E stichting ta gradici pueblo en general pa nan aceptacion di nan museo di carnaval cu por fin a bira un realidad despues di 50 aña di celebracion, y tambe na esnan cu a contribui cu sea nan body piece, roadpiece, potret of informacion pa asina grandece e coleccion actual di e museo. Fundacion Aruba Museum Experience ta anuncia cu e fundacion ta dispuesto y man habri pa tuma donacion di tur persona, ex reina y prins y panchonan di carnaval, y gruponan di carnaval, pa asina grandece e coleccion di e museo. Tur esnan cu tin un costum, bisti, sierp, corona,

potret, of cualquier otro material di carnaval pa comparti esakinan y duna e museo di carnaval Rey Momo e oportunidad di expone esakinan pa publico, specialmente nos bishitante nan den exterior. Pa mas informacion of entrega por pasa libremente na Museo di carnaval den weststraat caminda antes tabata E-zone, net banda di Carlos 'n Charlie's tur dia di siman y Diasabra for di 9.30 or mainta pa 12.30 or merdia y for di 2 or merdia pa 6 or atardi, of tuma contacto cu Ryan Maduro na 5886936 of tambe 5947994. Ta ser pidi tambe na tur esnan cu lo haci un donacion, e cooperacion pa entrega tambe un potret caminda por mira local ta wordo entrega e tempo cu el a wordo presentata den carnaval. Segun e fundacion, carnaval di oro, Carnaval 50 lo ta un carnaval den cual Aruba lo luci y ta desea e pueblo un feliz celebracion di temporada di Pasco di Nacimiento y prospero 2004.

ATO

EMPRESA ITALO/ARUBANO

ATCO na Oranjestad Tel: 582-4684 y San Nicolaas Tel: 584-8124

PAVERS

Pa un bista bunita y decorativo pa bo entrada, patio of cura di bo cas

Variacion di color, calidad superior y disenonan nobo y moderno pa embece bo propiedad

EMPRESA ITALO ARUBANO
Cumana 80 Tel: 588-6969 - Fax: 588-6508

